

BAKURUBASANNI


(nimoré 12 songo)

Mali kono = Dórame 300

Afiriki kono = Dórame 600

Jamana wéré = Dórame 1000

Febururiyekalo san 2009



Kunnafonisében bota kalo o kalo. BP: 24 Téléfoni : 20-21-21-04. Bosola Bamako-Mali. San 37nan boko 445nan A songo : dórame 15

Jamu simandilan izini kura tufaden fôlô dara

Mali jamanakuntigi Amadu Tumani Ture ye Jamu simandilanyoro

kura ani Bafulabe-Kayi siraba dilanni dabajé fôlôw ke. A kera nisondiyakoba ye Kayi mara mogow bolo.

Mali ka simandilan izini min tun be Jamu, o tôgo tun ye «SOCIMA». A dayéléla san 1969. A dilen kenyereyew ma, a welela «Imaco-SA». Jamu izini datugura san 1997. O waleya in digira Jamukaw la kosebè. Nka bi, tile kura bora u ye. Jamu simandilan izini kura joli tufaden fôlô dara.

Endujamana cakeda min nesinnen be simanko ma Afiriki köröyanfan fe n'a be wele «WACEM-SA», o ka waribota ka cani bëe ta ye izini in joli musaka la. WACEM-SA nemogoba Motapariti Parasadi y'a jira k'olu ka simandilan izini ka ca dije kono bi. A ko do be Togo, Gana ani Burukina. Olu ye Afiriki jamanaw ye. Motapariti Parasadi ka fo la, u bëna siman toni miliyon kelen dila san o san. Sabula fara suguya min be ke siman ye, n'o ye «kalikeri» ye, u jigi b'o toni miliyon 55 kan. NKA, o toni miliyon 55 la, u bëna toni miliyon 33 labaara ka ke siman ye.

Jamu simandilan izini joli musaka be ben sefawari miliyari 66 ma. A bëna san 30 de ke baara la.

Parasadi ka fo la, mogô 1.500 be baara ke izini in na. A ko o fanba bëna ke Malidenw ni Endujamana mogow ye. Kulu min be Jamu ni Bafulabe ce n'a be wele Gonganteri kulu, Parasadi sago ye o faraw boli yamaruya ka di a ma simandilan



Simandilan izini in joli musaka be ben sefawari miliyari 66 ma

kama.

WACEM-SA nemogoba y'a jira ko ni baasi wéré ma bila u sen na, Mali ka siman dilalen fôlôw bëna bo ka bën ni san 2011 setanburukalo

tile 22 ye.

Mali nafoloko, iziniko ani jago minisiri Abudulayi Jalo y'a jira ko Jamu iziniko bëna ke sababu

A to be ne 2nan na

KONOKO

Melokaama toni 60.684 soroia Ofistri kono
Bamako babili 3nan joli tufaden fôlô dara
Kuwa ammoyorutienw nana u yere
Korantiedenw nemogô kera Habibou Sia ye
Korantiedon aye farantye
Korantiedon aye 79nan : Fasodenhumanya (asokanw fasa)
Aye 55nan : Bana ju ye naa ye
Aye 55 musow kelen be korogu kuryanta wye
Aye 55 Demokratiikumana na, saw be ka oon ke eti wya ta
Sekkadi w/môte
Aye 55 Adébayorri ye san 2003 biola sa kura soro

ne 2
ne 3
ne 4
ne 5
ne 7
ne 8
ne 8
ne 9
ne 10
ne 12

Ne fofo to

numan ye jamana ma. Sabula ko san o san, Mali be miliyari 100 don siman na ka don jamana kono. Abudulayi Jalo ka fo la, Mali ka siman toni kelen bena feere doreme 16.000; kasoro siman min be bo jamana wewew la, o toni kelen be soro 25.000 fo 28.000 na; Baara ninnu keli kama, WACEM-SA ka manankun ye sefawari miliyari 20 ye. Kemesarada la a niyoro ye 70 ye Jamu izini kura la; goferenaman ni Mali kenyereye bee niyoro ye hake kelen ye. Goferenaman ta ye

Ja maloseneycoro bera laben

Ja ye Tenenkun serekili dugu do ye Moti mara la. Ntenendon feburuyekalo tile 2 san 2009, Moti mara gofereneri Abudulayi Mamadu Jara bilalajamaba ne ka se Ja. Taama in kun tun ye ka taa u ka maloforo labenbagaw jira u la. Siniwaw don. U bera maloforo taari 300 laben, ka laban ka jisamayoro jo dankan na, ji donni kama forow kono.

Baara ninnu keli musaka be se sefawari miliyari 1 ani miliyon 400 ma. Kemesarada la, waribon min nesinnen be Afiriki yiriwali ma n'o ye «FAD» ye, o be 55 bo a musaka la. Mali yere b'a to 45 bo.

Senekeyoro min labento file nin ye Ja, a b'a to suman ka sebekoro soro, dunkafa ka sabati sigidalamogow bolo. Taari 300 in labenni baaraw be damine san 2009 mariskalo tile 1la. O don kelen na, maloseneycoro 14 baaraw fana damineni dabane fo be ke. O foro labentaw la, taari 570 be dugu misenw na, taari 200 be Moti dugu kejekayanfan fe. U bee koni be Moti Ofisiri ani «PADER» ka kenew kan. PADER ye cakeda ye, min nesinnen be Malosene yiriwali ma Moti mara la. A nemogoba ye NFali Danbeli ye. Ale ni Moti Ofisiri nemogoba ani seneko nemogow tun be gofereneri nofe a ka taama in na.

Dugufana Kulubali Dokala Yusufu Jara

10 ye, kenyereyew fana ta ye 10 ye kemesarada la.

A to 10 bilalen be mogo wewew ne, minnu b'a fe k'u sendon Jamu iziniko in na.

Jamu simandilan izini joli tufaden fofo dalen kofe, jamanakuntigi n'a nofermogow y'u kunda Bafulabe kan; ka taa Bafulabe-Kayi siraba dilali dabane fofo ke. Baarakeminenko ani bolifenkow minisiri Ahmed Jane Semega y'a jira ko siraba in kuntaala ye kilometere 156 ye. A be ke gitoron ye. A musaka be se sefawari miliyari 25 hake ma.

Kemesarada la goferenaman be 54 bo. Koweti ni Makanjamana waribon minnu nesinnen soro yiriwali ma, ka fara tajifeerejamana ka tonba OPEC kan, olu b'u jo n'a to 46 ye.

O kofe, jamanakuntigi Amadu Tumani Ture y'a da Kayikaw tulo kan, ko ba fila minnu be wele Bafin ani Bakoyi, ko babili kelen -kelen be jo olu kunna. Jamanakuntigi ka fo la, babili fila ninnu musaka be se miliyari 18 ma.

**Madiba Keyita
Dokala Yusufu Jara**

Malokaama toni 60.684 soro la Ofisiri kono

Segu Ofisiri nemogojekulu y'a ka laadalatonsigi 17nan ke san 2009 zanwuyekalo tile 27. A nemogoya tun be seni minisiriso sekereteri bolo n'o ye Fuseini Mariko ye. Laje in kera Segu Ofisiri dagayoro la. San 2008-2009 malosene kanpani na, Ofisiri ye malosi toni 95 ni senekelaw la. O toni hake in na, toni 5 ye malonerika si ye. N'a be fo o malo suguya in ma ko gerekamalo. Tineni ye mogo minnu ka maloforow soro, malonerika toni 5 in dira olu ma. Ofisiri ye kanpani nata malosiko nesigi, ka fara a angereko n'a binfagalanko kan. A ye jibolisira metere 32.000 labo, ka do fara digi dow fanga kan. O be se metere 25.000 ma. Goferenaman ye naniya numan min ta ka nesin senekelaw ma ninan, ani sanji min nana, o sera k'a to malokaama toni 60.684 ka soro Segu Ofisiri kono.

Cakeda in ka san 2009 baarakenafolo kiimena tonsigi in senfe, ka ke sefawari miliyari 2 ani miliyon 958 ani 205.000 ye.


Amadu Omaru Jalo / Dokala Yusufu Jara

Suman soro la hake be jigin dinne kono ninan

Jamaa yere mahoronyalenw ka tonba bolofara min sigikun ye baloko ni cike sabatili ye dinne kono FAO, y'a jira ko san 2009, suman soro hake be jigin, wa san damine in na, sumanw da ka gelen halibi dinne kono. Kasoro salon (san 2008) kera soro ba san ye dinne kono. Suman toni miliyari 2,24 soro, o cayara ni san 2007 ta ye ni 5,4% ye. Taamasiyenw ye suman soro hake jiginni fo dugukolo yoro caman na. Kaba soro hake jiginni jatemineni Afiriki woroduguyanfan na. Alikaama hake soro fana be jigin Azijamanaw kan k'a sababu ke ja ye. Ameriki woroduguyanfanjamana fana b'o cogo la sango Arizantini k'a sababu ke ja ye. Alikaama soro hake be jigin a tilance la Arizantini. Eropujamanaw na ani Lamerikenjamana na, kolosiliw y'a jira ko nenefe-alikaama be ne nka jamana caman na, kene seneta hake be dogoya. Nka nin bee n'a ta, yelema be se ka don kow la ka da malo seneta cogoya kan Azijamanaw kan bawo olu fe yen malow ma turu fofo. FAO y'a jira nin bee kofe ko suman da jiginni min kera san 2008 kalowocoro filanan na, o n'a ta bee suman da ma se ka jigin san 2009 damine in na, a yere be ka yelen ka taa fe yoro dow la. Dine kono bi FAO ka fo la, sumandeset ka jugu jamana 32 kono. Afiriki Korojyanfan fe, kongo be ka dankari mogo miliyon 18 nogaona na k'a sababu ke ja ye ani waati cogoya. Afiriki woroduguyanfan na, mogo miliyon 8,7 nogaona be kongo kerkenkerennenya la Kenya, Somali ani Zimbawe k'a sababu ke kelw ye.

Mahamadu Konta

Bamako bibili 3nan joli tufaden fōlō dara



Afirirki tilebinyanfanjamana bēe la, Siniwajamana sijē fōlō bēna ke nin ye, ka nin nōgōnna baaraba ke

Siniwajamana jamanakuntigi Hu Jintawo nana tile fila ke Mali la; k'a damine feburuyekalo tile 12 la, ka se a tile 13 ma. Tile fila in kōnōna na, a ye Bamako bibili 3nan joli tufaden fōlō da. A bē fo Bajoliba yōrō min ma Sutadunun, n'o ye Musabugu ni Sotuba furancē ye, bobili sabanan in bē jo yen. Siniwa ni Maliden caman tun bē Amadu Tumani Ture ni Hu Jintawo nōfē Bamako bibili sabanan tufaden fōlō dayōrō la. Jamanakuntigi fila ninnu bēe ye dantigeli ke kēne in kan.

Jamanakuntigi Amadu Tumani Ture y'a jira a ka kōrōfōw la, ko Siniwajamana bēna Babili in jo k'a ni Mali fa fu, dōrōmē te jinni jamana na. Ko baaraba min don, a nōgōnna ma deli ka ke Mali kōnō

fōlō.

Hu Jintawo ye Mali jamanakuntigi ka kuma sementiya. A y'a jira ko Afirirki tilebinyanfanjamana bēe la, Siniwajamana sijē fōlō bēna ke nin ye, ka nin nōgōnna baaraba ke fufalaki.

Bamako bibili sabanan tufaden fōlō dalen kōfē, jamanakuntigi Amadu Tumani Ture ni Hu Jintawo taara Kati, ka sumaya kēlēti dōgōtōrōsoba kura kurunbonkari. O dōgōtōrōsoba in jōlen bē Kati dōgōtōrōso dukēne na.

Siniwajamana y'o fana jo ka di Mali ma fu. Dōgōtōrōw bē baara ke ni minen suguya o suguya ye, ani kēneyafuraw, o bēe fana dira ka fara dōgōtōrōso kan.

Madiba Keyita
Dokala Yusufu Jara

Cé do ka jufakōntelefoni y'a faga

Siniwajamana na, cé do ka telefoni pérenna i ko pérénbaranin. A bēe bōra nōgōn na. Cé yēre fatura o senfe.

Kiyawo Jipengi tun ye mangasafeerela ye. Tuma min na a ye batiri kura k'a ka telefoni na, kasaara in y'a sōrō. Telefoni pérennen, o nama-nama dō y'a kan jolisiraba dō tige. A baarakēnōgōn dō y'a jira k'ale ye mankanba dō men. A nana a sōrō a tōnōgōnke binnēn bē basi cēla. Polisiw bē sēgesēgeli la walasa k'a dōn cé ye batiri kura min k'a ka telefoni na, n'o yuruguyurugu dilannen te mōgofaga kama.

Nin t'a sijē fōlō ye mōgō ka to telefonikokasaara la. A nōgōnna caman delila ka ke. O tumāna a ko sera jējinini ye, walasa ka batiri juguw labō numanw cēla.

San 2002 ni bi cé, mōgō 9 ka telefoniw pérenna. Kiyawo Jipengi ta y'a 9nan ye. Ale fatura k'a si to san 22 la. A ka telefoni pérenna a ka dulōki jufa de kōnō, k'a fanga.

Dokala Yusufu Jara

Fununnan ye kurukuru fura ye

Fununnan bē sōrō jiriden dōw fara la. A bē sōrō biyéri (dōlō) fana na. Buurudilannaw ni farinindilannaw b'a dōn kōsēbē.

Fununnan jēci ka bon dumuni sanimanko la. Dōgōtōrōw fana bē baara ke n'a ye. Kurukuru minnu bē falen mōgōw farikolo kan, fununnan b'olu latunun. Mōgō minnu fana kunsigw n'u sōnīn bē kari n'a yēre ye, fununnan b'olu kologelēya u kana kari. Kērenkerennenyā la, fununnan bē farilasumunin furakē.

Denmisēn caman kōrōbayato la, kurukuru bē falen u nēda la kōsēbē. O fura duman ye fununnan yē. Kōnōbolitōw, walima mōgō minnu kōnō bē tōn tuma bēe la, olu fana bē se ka fununnan dō min. Dōgōtōrōw b'a sēben musokōnōma dōw kun, walasa k'olu ka kunsigibōn kunben.

Qaniya numan be siniyaw la ka nesin malidenw ma

Nin ye jamanaden fanba hakilila ye ka nesin siniyaw ma. O mogoo ninnu caman be yen u ma lako kë, walima u ka kalan ma taa yoro jan, politikimogow te. U caman ye dahiriméjininaw de ye, u ka jate te se kominisiko ni kapitalisiko ma. U kunko kelen be k'u labo kojugu. Malidenw bora siniwako kalama Modibotile la. U ni siniyaw ye musatile ke nogon kan ani demokaratisite. O du ka dogo siniyaw ka fen dilalenw te min kono. O mogoo ka dëgo Mali kono min te k'a

makoje ni siniwafen do ye. Mogow b'a fo ko siniwafen te si soro nka u cekaji wa u da fana ka di. Dow b'a fo ko siniwafen b'a minecogo de bolo, n'o te a si ka ca i n'a fo minen tow. Siniyaw ye izini minnu jo jamana kono, u ye dogotoroyabaara minnu kë, sirabadilaw, npgödilaw, forobaaraw, farikolojenajeyorajow, nénajesojow, sorodasiyabaaraw, jago nasiraw, kalankow, siniyaw be hali baana-baanayaw la bi Mali kono fo ka taa se dëlosow dayeleli ma ani ko werew. Nin bee b'a jira

K'a fo ko siniyaw ni malidenw dorogora.

Ni siniwa ni maliden y'u jo nogon kerefe, n'an jera ko la, si te siran si ne, si te malo si ma, si te kaba si la, bawo an be nogon si don, an be nogon minecogo don. Nka nin bee la, maliden ka teriyasira sama ani siniwa do ce sigida la, o man ca bawo hali ni mogoo juguw te siniyaw y'u damamogow ye, dow yere b'a fo ko jinew don. O kofe, politikisira de fana y'u ni Mali don nogon na; mogoo caman dun be siran politikikow ne an fe yan. Jumadon, feburuyekalo tile 13 siniyaw ka jamanakuntigi Hu Jintawo ye Bamako babili sabanan tufaden fofo da ani peresidan Amadu Tumani Ture.

O wale in ye do fara malidenw ka dannaya kan ka nesin siniyaw ma. O babili sabanan in bëna jo Mali ye fu, a dörôme kelen te bo gôferenaman kun, k'a di malidenw ma, k'u ladiya n'a ye. A togo dara "Mali ni Siniwajamana ka teriya babili". Nin bee la, an k'a don k'a fo dijegelyea be siniyaw fana kan. Jamanaden hake ye mogoo miliyari 1 ani miliyon 300 ye. Olu balo, u ka kenyako, u siyorko, u ka kalanko, an'u ladamuniko an'u maracogo numan, dije don o don o n'a geleyaw don.

Mahamadu Konta



Jamana kono kow ni marabolow minisiri Zenerali Kafuguna Kone tun be laje la Kidali feburuyekalo tile 17 san 2009. Sorodasi minnu murutira jamana ma san 2006 mekalo tile 23, olu nana u ka maramafenw di, k'u nimisara u ka kewale jugu la. U b'a fe ka segin Mali sorodasiya la. A kera laje ye Kidali pankurunjiginkene na, min nemogoya tun be Zenerali Kafuguna Kone bolo. Mali sorodasiw nemogoba Gabiryeli Pujugu ani Mali garadiw nemogoba Burulayi Kone tun be a kene kan.

Mogoo murutilen koro ninnu na, Kidali depite Hamada Agi Bibi b'a la. Alizeri ka lasigiden min be Mali kono n'o ye Abudulu Karimu Jareyibi ye, laje in kera o fana nena. Mogoo murutilen koro ninnu tun y'a jini ale fe, a ka na u soronadon laje in kene kan. Mogoo 578 y'u ye. U dafalen tun be kene kan. Sorodasi mume ye 78 ye u cela. Jalabatigow ni jalantanw bee b'a la. A to 500 minnu te sorodasi ye, olu fana hamie ka fara Mali sorodasiw kan.

Solomani Dunbiya
Dokala Yusufu Jara

**A' ye Kibaru san,
Kibaru de ye
balikukalan
dafalan ye.**

Dijne forobakene sigira kancamanko kan

Zanwiyekalo tile 19, 20, ani 21, Bamako ba joliba da la, dunanjinginso "Salamu" kono, Dijne forobakene sigira kancamanko kan. Lajeba in labenna tonba minnu few ani Goferenamanw olu ye : ACALAN , o ye Afirikijamanaw ka Farajogonkantona bolofara ye min ka baaraw nesinnen be Fasokanw yiriwali ma. Tonba min be wele MAAYA, n'a nesinnen be kancamanko yiriwali ma dijne kono, Otirisijamana kalankon'a sekoni doko Minisiriso, Tubabukanfajamananw ka tonba, UNESCOani Latenkanko Tonba. Kene in nemogoya tun be Karamogoba Adama Samaseku bolo; o ye nemogoya in bonya ta k'a di Gabonjamana jamanakuntigidankanma, Karamogoba Poli Abesole. Bamako lajeba in y'a sinsin ko damado kan:

1 - Kancamanko ka ke dijne taabolo ye:- Ni siya cayako ma se ka bali, kancamanko kana bali;- Ni donniya suguya caya ma se ka bali, kancamanko kana bali; - Ni danfaww suguya caya ma se ka bali, kancamanko kana bali. - Dijne kan bee lajelen ka se ka deme soro, ka yiriwa, ka ke hadamadenya yiriwali sababu ye.

2 - Kancamanko ka don kalansow kono : o koro ye, kalan ka ke kalansow la kanw na jamanaden fanba minnu fo don o don.

3 - Enterineti n'o ye dijne donniya n'a kunnafonibulonba ye, kancamanko ka daga yen fana: bawo an be don min na i ko bi, kan yiriwalenw de joyoro ka bon Enterinetikan. Okanw menbagaw doron de sago be dijne donniyaw n'a kunnafoniw na. N'o ko tora senna ten, dijne kan tow an'u fobagaw be bila saya dakun na. A dun fora ko dijne kan kelen okelen mana tunun, oye dijne kogobolo do binnen ye. Dijne forobakene sigilen kancamanko kan, lajekelaw ye kulekan gelenw ci ka nesin dijekc əmogow ma, kerennkerennnya la goferenamanw, tonbaw ani jekulu, u k'u fanga fara nogen kan, ka dijne kisi. O koro ye mun ye? Ka kancamanko kisi.

Mahamadu Konta

Nata be mogo caman don tubabufurula

Faransi sigili nata kama, mogo caman be furu tubabuce ma walima ka tubabumusofuru. Nka here te a furu caman na. A furu daw be don nankarabaw fe, daw ye ceew ni musow ka teriyaw labannen y e furu la.

A tubabufurukela caman mana Faransi soro ka dugulenya doonin, u b'u furunjogenjanfa ka yelema jamana fan were fe.

O b'a soro u ye Faransi sigili seben nafamaw soro u tege kono.

A san kelen ye ninanye, Pari polisiw nemogoba koro Yaniki Billan y'a jira kunnafoniseben do kono, ko Faransi sigili yamaruyasewenw soro li yerediyabofuru sira fe, k'o man ca. A ko a te teme 300 kan san kelen kono; kasoro seben hake min be dilan ka di mogow ma san kono, ob 120.000 bo.

Walasa ka furunamaralen sirili dogoya, san 2003 la sariya do tara. San 2006 kono, segesegeli sebekoro warala, walasa ka furu namaralenw kele. Odeko son a san saba yeninye, meriw be se ku ban ka furuw siri, u sigalen be furunjogen minnu na. Nin siga kera mogo minnu na furulankolonkola Faransi, olu ka koje be bila kiiritigelaw ka bolo kan. N'a soro la cen ye u be nangi san 5

datugukasola, ubelaban ka sefawari miliyon 9 ani 800.000 alimanisara. Ni tunkaranke ni faransika furu la nogen ma, u jate be mine san 4 kono. Nu farala, dunan min furula tubabu ma, a ka sebenw be mine a la, k'a gen ka bo jamana kono.

Faransi jamana na, tungarankew ka konew minisiri min tun ye Horitefe ye, o ye sariya do ta san 2007 la. O ya jira ko ni mogo min furula Faransika ma, Faransi sigili te daga i ye, n'i te tubabukan men. O sariya kelen in sababu la, tubabufuru dogoyara. San 2003 konna na, furu 47.579 sirila dunanw ni tubabuw ce; nka san 2007 ta danna furu 36.659 ma. O ye furu minnu sirila Faransikono. Jamana kakan, furu 50.350 sirila dunanw ni tubabuw ce san 1995 ni 2007 furance la. Nka san 2006 ni 2007 furance la, furu 47.869 doron sirila u ni nogen ce.

Bi-bi in na, seben hake min be dilan ka di dunanw ma, kemesarada la 10 sababu ye otigika baarako ye Faransi k o n o . Jateminew y'a jira ko dunan 26.000, seben nafama te minnu bolo k'olu bees ka kanka gen ka bo Faransi dugukolo kan ninan.

Dokala Yusufu Jara

Kokanmalidenw nemogo kera Habibu Sila ye



Habibu Sila

Jekulu min nesinnen be kokanmalidenw ka konew ma, o ya ka laadalatonsigi 5nan kunc san 2009 feburuyekalo tile 16, Bamako lajekesoba la.

Tonsigi in hukumu kono, Malidenw tun nana ka bo jamana 40 nogen na. Kokanmalidenw ka jekulu nemogo tun ye Abudarahamani Serifu Hayidara ye. Ale bolen nemogoya la, Habibu Sila bilala a no na birosigi senfe. Mog 21 be bilo in kono. Maliden minnu be Gabonjamana na, o do ye jekulu nemogo kura in ye. Kokanmalidenw ka nemogo jekulu be sigi san 5 kuntaala kama.

Alayi Lamu / Dokala Yusufu Jara

Tənko bə Mali ntolatan tine

Géléya bë Mali ntolatan kono
sanga ni waati bëe la. Dusukolo të
ntolatanna si kelen na. Min yere bë
mogo dabali ban Mali ntolalanko la,
sebaayanini mana ke ni ntolatanna
minnu ye, o sebaaya mana soro,
olu togoo të fo tuguni. Ntolatanna
wërew de bë ta ka kupu tali ntolatan
labanw ke n'olu ye.

Misali la, a n̄ogonna kera Kani 1994 ntolatan senfe Tinizi.

Degelikaramogo min ye Mali se
kupu tali ntolatan labanw kene kan,
o labilala ka doweré ta. Ntolatanw
kuncelen, o degelikaramogo in fana
labilala, ka kura wéré ta ka bila o no
na. A waleya kera Mamadu
Bagayoko, Seyidubilen Keyita ani
Sumayila Kulubali fana na.

N'a föra ka jamana
tögolantolatanton ntolatannaw fara-
fara nogon kan, k'u bila ka taa
fadenkenew kan kasorô olu ma kalô

Poyi : San kura

San kura dugu jera.
Sigida nemogoyanjini kalataw sera.
Mérisigikalata.
Jantonyerela waati sera,
Yéredon waati sera,
Namaratow ni fanaw wulituma sera,
Kuma lankolonfow waati sera,
Mérisigikalata.
Te ni sukaro feerebaaw
fensorotuma sera,
Moriw ni somaw sirabotuma sera,
Sefanw ni sisfeerelaw ka dugu
jera.
An bora a' kalama;
Namaratow,
Nin si tēna mago ne tuguni.
An kana son kogo ni woro la
namaratow bolo,
Ka ban te ni sukaro la.
Kuma duman si te anw kalatalaw bo
an ja kan tuguni.
Anw ko fasojolaw,
An ma fo fasocilaw.

**Isa Jalo ka bɔ Kodugu,
Dugabuqu komini na Katii**

6 walima san 1
socu noco fe
ton kelen na, o
te dabo
sebaaya,jiniko
kama. Mogow
k'u hakili to a
la; ntolatan
nemogow be
son ka
ntolatannaw

Yaya Mariko

yelëma - yelëmani ke Kani ani
monjali 2010 ntolatanw na. Bëe dun
je be Mali sennantolatan na
senklenntataama na.
O téménen kofé, bataki fén o fén be
ci Kibaru ma, u be dabo jamana ka
njetaa kama. O b'a jira ko

jamanadenw kunnadoni ye kelen ye. San 2008 kono, bataki cilen hake min kalanna arajo la, o ka ca doonin. Waatiw yere kera a la, bataki tun be kalan fo k'a to to yen. Ne b'a nini batakicilaw fe, san 2009 batacila ka sebekoro caya ka teme san 2008 ta kan. Bataki minnu kalanna, a fanba ye batakicilaw ka kunnafoniw ye. Farafinna ni farajela bee kunnafoniw be fo Arajomali la. Fasokan fobaaw sera jatemin ye. Mogo min ma tubabukalan ke, a ma morikalan ke, o ka kan k'a jilaja balikukalan na. N'o te, a be k'a yere jugu ye.

Yaya Mariko ka bɔ Senu Bamako

Hakilintanya man ni

ko mögo do si jelen bë, nk'o te
mögököröba ye. A hakili ni
denmisenninw hakili bëë ye kelen ye.
N'i ye denmisennin min fana ye
mögököröbabaw cëla, o n'olu fana ye
kelen ye hakilikò la.

O kofe körjara ye denmisən dō
jininka, ko yala an bëna an dogo
cogo di? Denmisennin dō ko an b'an
doko bin cëmance la.

A ye mögököröba dō fana nininka, o ko an b'an dogo bin körə kereda dō fe; ni tasuma wulila, an be boli ka bo. Denmisenninw ko olu te són o ma; k'olu be taa u dogo bin cemance la. An mögököröba hakilimaw ma són k'an dogo bin cemance la. O y'a soro donsow taalen be tasuma tugu, k'u sigi bintu ni tilebin ce. Ko ni tasuma bonyana, ko kungosogow b'u segeré yen. Kungosogo fen o fen y'a biri bintu cemance la, donsow y'o beë faga. Körjara, surukuba ani u nöfemögöw kisira. O koson sije ani kodon te kelen ye. Denmisenna te mögö bali hakilitigiya la. Denmisén hakilitigi be ga mara, ka dugu mara. Ceköröba hakilintan be ga ci, ka dugu ci.

Yaya Mariko ka bɔ Senu Bamako

Konotajoona ye faratiba ye musomannin ma

Dine jamana yemahoronyalenw ka tonba bolofara min ka baaraw nesinnen be denmisenninw ni denbatigw ladonniko numan ma, Inisefu, o ka laseliseben do y'a jira ko npogotiginin minnu be kono ta kasoro u ma san 15 soro, olu to ka di musokel la sije 5 ka teme muso san- mugantigw kan. O laseliseben kelen in y'a jira ko, muso minnu si b'a ta san 15 la ka se 19 ma, olu 70 000 de bq to musokel la san o san. Musomannin ka kono ta kasoro a ma se, o ye farati ye a yere ma cogo min na, farati don ten a den fana ma. Dine kono bi, muso miliyon 60, minnu si b'a ta san 20 na ka se san 24 ma olu furula kasoro u ma san 18 soro. Den min ba te san 18 bo, saya farati 60 % b'o kan a san folo la, o sa ka di ka teme den kan min ba si bc san 19 sanfe. Inisefu

ka laseliseben in y'a jira tuguni ko furujoona sera musomannin minnu ma, olu caman be lajaba la u cela la ani dantemewalew bawo u farikolo n'u hakili ma kogo; u ma laben celasigi kama. U be labo lakoli la k'u furu, o la u ka baarako be geleya, u tene se u yere koro. Furujoona dabilali sen ka suma an be don minna i ko bi. Jatebo labanw y'a jira ko dije kono, san 2007 kono denmisen miliyon 9,2 sara kasoro u ma san 5 soro. San 2006 ta tun ka ca n'o ye, denmisennin miliyon 9,7 sara k'a sababu ke u baw furujoona ye. O saya caman ninnu tilance kera Afiriki kono bawo denmisennin baloli ka gelen yen. Afiriki kono, musosaya ka ca konomaya kono ani musokel waati la. Muso 26 la kelen be sa musokel la. O hake ka ca ni Azi gun musow ta ye sije duuru. A ka ca ni jamana

yiriwalenw ta ye sije 300. Nin saya minnu file nin ye n'u sababuya bora konomaya ni musokel la; muso caman tun be se ka kisi n'u tun tora ka taa u yere laje tuma bce ddogotoroso la Laseliseben in tilala k'a jira tuguni k'a koloisira ko denyereminsaya hake be ka jigin dcoen-dcoen. Sida keleli fanga fana be ka bonya ka taa a fe musoyanfan ani denmisenyanfan. San 2007 jateboseben y'a jira ko muso konoma miliyon 1,5 sida banakise dalen be minnu joli la, olu la 33 % furakera k'u ka bana lajo; o y'a to u ma se ka banakise in yelema u denw fe. Sida banakise be den minnu joli la, olu hake sigiyorma saba furakela, k'u ka banakise lajo, olu hake bora 75 000 la san 2005 ka se 200 000 ma san 2007 kono.

Mahamadu Konto

Sumayabana

Sumayabana walima malariya, ni dow fana ko pali, o ye bana lakodonnena ye. Sumaya taamasiyen folo ye fariganba ye, min be se degere 40 ma walima a be yelen o ni san ce. K'a damine sumayato kunkolola ka jigin fo a senw na, obee b'a dimi. A be wosi kasoro neneba b'a la; otuma otuma de b'a fari segen kosebe. Jolikuru bilenman minnu ye tangalanw ye farikolo la, sumaya banakise b'olu tige. O be jolidese bila mogola; n'o kera a tigi fari be labila bana werewye. Banakise mana se sumayato bine ma ka finge bila o la, a be fatu.

Sumaya sababu : soso musoman suguya do be yen min be wele tubabukan na «anofeli», o de be sumaya banakise bila mogo fari la a ka cinni senfe. Ni soso in ye sumayabanabaato cin k'o joli banakisema sama ka taa mogo keneman cin, o ye sumaya yelemanen y'otigila. Tile damadonin kono doron, a be don ko sumaya b'o tigi la a taamasiyen fe.

Sumaya furakeli :

Furaw ka kan ka ke sumayabanabaato la minnu b'a farilabanakisew faga. Kinimakisi pikiri b'o la ani furakisew, minnu be wele kinini ani n i w a k i n i . Mogo ka kan k'a yertanga sumaya ma ni saniyawale dow matrafal ye; in'a fo posoni fiyeli sosow dogoyorowla, jingcigisigiyorom minnu be duw ni dugukononaw n'u laminiw na k'olu geren walasa sosow kana silakolokolo yorowla, ka temekon (giryasikon) don sodaw ni folowow la ani ka si sange gansan walima sange sulen koro.

Keteketenin

Keteketenin ye bana yesiemata ye. Waati ni waati sogosogo kuntaala jan don.

Taabolo saba be keteketenin na farikolo la. **Bana dontuma :** o te don kosebe, sabula taamasiyen t'o jira.

Bana wulituma : a tigi nunji be soolo, a new be bilen u ji be jigin. A be sogosogo damine o tuma na, nk'a te kaari bo.

Bana juguyatuma : sogosogo be ke kotigebali ye tuma dow la fo a be fooco a dow senfe.

Keleketenin sababu : keteketenin banakise ye fenjenama fitinin do ye. A yelema ka tel mogo were la. Keteketeninto be banakisew seri-seri sogosogo senfe.

Keteketenin furakeli :

Kunbenboloci be keteketenin na. Nka a be nagami boloci fura tow la k'a ke denw na. O bolocifura nagaminen in be wele Detekoki. Kannabaganin, negetigebana ani keteketenin bolocifura togo y'o ye. Keteketeninto fana ka kan ka mabo mogo kenemanw na.

Kalankene N° 79nan :

Fasodennumanya (Fasokanw fasa)

An bəna baabu min damine Kalankene kono sisan, o be wele "Fasodennumanya". Faso ye fən min ye, an b'an da don o la. Faso ka kan ka min ke fasoden kelen-kelen ye ani fasoden kelen-kelen ka kan ka min ke jamana ye, an da be se o fana ma. Jamana jənjən fasa kɔrɔ, a nafa, a bonya ani jamana sariyasunba ni fanga sigibolow, bəe ka kan k'olu dən fo ka taa se siraba sariyaw ma ani dəwərew an bəna nin bəe nəfə kelen-kelen."Fasodennumanya" kalan folɔ be damine ni fasokanw fasa ye. O labenna an karamogo Abudulayi Bari fe (Ala ka hine a la). Ale tun ye lakɔlikaramogo ye. A y'a ka baara fanba nəsin fasokanw

yiriwali ma. A ye Baara ke Maaya Dənniya Jinjinida la, ka tila ka ke DNAFLA nəməgoba ye sanni a ka fatu. Tən folɔ min sigira Bamako fasokanw yiriwali kama, n'a be wele "Bənbakan Dungew o məgo tun don. Demokarasi kelekece fana tun don, an'a tənogon bəe tun bənen don. Fasokanw fasa min be wele "Sara be bənbakanw na" ale de y'o seben. Arajo Bamakan be daye, ani ka datugu n'ale de ye don o don. Dənkili in filə nin ye:

"**Sara be bənbakanw na**
Maliden nəmanninw,
Sara be Bənbakanw na
Sara ni dawula.
(Lamineni)
N'i ma kalan Bənbakanw na

Karamogo sarama,
N'i ma kalan Bənbakanw na
Bə fu ni nimisa.
(Lamineni)

1 - Denmisenkulu ye
Kuma min fo
Faso nəmaaw ye
Kalan ni ladamu ke
Fasokanw na faamuya ka
nəgoya.

2 - Baaradenkulu ye
Kuma min fo
Faso nəmaaw ye
Dabalifeere tige
Fasokanw na
Sɔrɔ ka yiriwa.
3 - Togo ni wərew ye
Kuma min fo
Faso nəmaaw ye Dənniya
forobaya

Fasokanw na
Dibi ka dijə to.
(Lamineni)
4 - Faso dungew ye
Layidu ta
Fasojama ye
Nətaa mələnw laje
Tileba ye
Jigisa dibi fiye
(Lamineni)

Dukene N° 55nan : Bana ju ye cogo ye

Bana do be yen ko nəgenəbilennin ni dəw ko a ma nkorosijen, ale be sɔrɔ nəgo de fe i n'a fo bana suguya caman wərew. Ji mana nəgo, n'i y'i ko a la walima n'i sen donna a la, bana in be se k'i sɔrɔ. A ka ca a la, a be denmisenninw de minə sango minnu si b'a ta san 5 la ka se 6 ma. Bangebaaw ka kan k'u hakili to o yɔrɔ la. An fe yan, kumbəncogo fila be bana in na : Ka jinew nəgɔli kele ani ka denmisennw bali u ka don ji nəgɔw la.

Ji nəgɔsira ka ca: an ka wulakɔnɔnawna, dingew be sɔrɔ dugu kono ani a dafɛ, ji be sigi minnu kono samiyə fe nka tilema fe u be ja. Tilema fe, dugumogow yere de be namanw, bagansuw, banakotaawani ji nəgɔw bən o dingə ninnu kono. Ni samiyə sera, jiba mana sigi dingə ninnu kono, dugumogow be tila k'u makone o ji la. Finiw be ko a la, minennɔgɔw be ko a la, baganw be min a la, məgo yere be ko a la. O de koson i be taa dugu dəw la, i b'a sɔrɔ nəgenəbilenke be denmisennin bəe la. Dugu kungodaw n'a jirw be don

tən na cogo min, jinew ni jisigiyɔrɔw lasaniyali n'u lakanani fana ka kan ka don tən na o cogo kelen na. Baara were min ka kan ka ke o kɔfe, o ye denmisenninw balili ye u ka don ji nəgɔw la ani k'u diyagoya ka samara don tuma bəe. Banakisə suguya fila de be nəgenəbilenke bila məgo la : kelen ye nəgenəbarabanakisə ye to kelen ye nogobarakɔnɔbanakisə ye. Nəgenəbarabanakisə mana jaman u be nəgenəminenw minə ani bangeminenw k'olu t̄ne. Nogobarakɔnɔbanakisə mana jaman, olu be nəgojuru misenw minə ani biŋe k'olu t̄ne

Kolɔsili: nəgenəbilenke banakisə ni ka pasan. A ceman ni musoman be se ka balo ka san 20 ke hadamaden fari la. Musoman be se ka fan 300 fo ka se 3000 ma da tile kono. N'a juguyara joli kisəw be bo nəgenə fe. Nka furaw be nəgenəbilenke la : a farafinfuraw be yen, a tubabufuraw be yen. Wuli i ka se n'i den ye Kənəya tigilamogow fe yen sanni a ka taa ka danke

Mahamadu Konta

Senfagabana

Senfaabana, n'a be wele fana poliyo, a be denmisenninw minə k'a damine u kalo 3 la ka se u san 5 ma. Bana in taamasiyenw te kelen ye məgo la. A be dow minə kasoro a taamasiyen fosi t'olu farikolo la. A be tilesabafarigan bila dow la ani dumunikebaliya ni kankɔnɔnadimi. Dəw ka farigan be juguga kosebe fo u senw n'u bolow fasaw b'u dimi. O fasaja in be dəw ke dabaato (lujurato) ye u si to kono.

Senfaabana sababu: senfaabana banakisə ye fənjenamanin də ye. Ji b'a lase məgo ma ani senfaabanabaato banakotaa.

Senfaabana furakeli :

Fura jənjən te senfaabana na n'a ye məgo minə kaban; nka məgo be to ka banababaato digi-digi, k'a senw n'a bolow an'a kan lasama ani k'u kuru k'u tilen. A kumbənboloci koni be yen.

Alizeri, musow kelen be kojugu kunyanfanw ye

Bi-bi in na, kojumanké ni kojugubaké, Alizeri muso sen b'a bée la. U kojugubakéla yére de b'e ka caya kosebe, k'a sababu ke musow ka yéremabila ye.

Kiiriso mögów ka jateminé na, k'a daminé san 2008 zanwuyekalo la, ka se a ɔkutoburukalo ma, muso 644 sen yera kojugubakéla jamana cémance la. N'o ye Alize, Bumeridési ani Tizi Uzu kónonaw ye. Zandaramaw ko n'i y'o muso hake sanga san 2007 ta ma, ko muso bajanbila be ka sèbekoré caya Alizeri kóno. San 2007 kóno, muso hake min nòminéna kojugubakéla, o tun ye muso 513 ye. Alizeri jamana muné kóno, muso 33.551 minéna kojugukélaw la san 7 téménenw kóno. Musow donni kokunntanke la, kun b'o la.

Kiiritigela dō y'a jira ko fólo, cew tun b'u melege musow la ka kojuguw ke. Nka ko bi-bi in na, musow yére kelen be kojugu kunyanfanw ye.

Kiirisow ka jatew b'o sementiya. San 2008 desanburukalo daminé na, muso dō minéna k'a kiiri. Kojugubakelajekulu mögo 10

Jemogoba tun don. U muso fila tun b'o jekulu in na. U ye marifa da jo mangasatigi caman na, k'olu ka minénw ce. O mangasa fanba tun ye musomasirifeereyérow ye. Muso sonkuntigi in kelen ye ko caman ke : sonyali keli ni maramaféen ye, dakarisonyalí ani ka sira da mobilitigw je k'u bolofénw bosi u la. Kabini tege dara a kan san 2007 kónona na, a kiirila k'a bila a si kasol la.

Zandaramaw ka kolosili la, muso ka farinya koujugubakéla, o daminéna san 2006 kónona na. Yerekunfeere ni terimusow ka masirifenninsonya, Alizerimusobora o la a mèenna. Polisiw ka fó la, Alizeri musow b'u sanga cew ma sisán, ni damatémekow keli ye. U yére ka jugu n'olu ye; sabula mögo caman te siga muso la, k'a be kojugu k'i la. O de la u be fere mögów ma kosebe.

San 2008 na, kalo 10 furancé kóno, polisiw ye muso 49 miné, minnu tun kelen be jekulu ye, ka mögów dème ka don Alizeri, walima ka b'o Alizeri ka taa jamana wére la. U ye muso 46 wére miné, minnu tun be jago konnen na. N'a be fó o waleyia in ma nansarakan na «tarafiki». A muso caman tun b'o baara in ke u yére ye. Finiw ni musomasiri konnenw b'o la. Zandaramaw ka fó

la, ko n'i y'a ye o waleyia in ye sangaba soro, ko musow dogo ka di ka témé ni feerefén konnenw ye. Mögo tun té da a la fana, ko fén jugu be soro u bolo. Muso dōw be dörögaw dogo u ka finijukorofiniw na, ka don jamana kóno. Cew tun be saameya muso mémóni na.

Mögo caman hakili la ko muso yéremabila ni kojukela bée ye kunfinw ye; ka soro dipulomubatigw b'u la. ALizeri zandaramaw ye segesegeli dō ke kojukélaw bugunnatigé dónni kan san 2007 kónona na. Olu y'a jira, ko muso kojukela kemessarada la, 20 ye kalansobaw ke ka témé. N'o ye Iniwerisitew ye. Zandaramaw y'o kunnafoni min di, Alizeri muso kojukélaw ka koje be polisi min bolo, n'o ye Samiri Zuwwi ye, o y'a jira ko muso ninnu ka kojukuké sababu dō ye faantanya damatémé, ani lamocogo tijeni ye duw kóno. Zakiya Gawawu min fana ye hadamadenya sabatiko numan jekulu dō jemogó ye, min be wele Muniya, o y'a jira ko tijené don lamotijeni no be musow ka kojukuké la. Nka, ko Alizeri ce be töro min da muso kan du kóno, o be muso caman wajibiyá ka du to u ye, ka yelema bölonw fe.

Malika Belikasemu
Dokala Yufufu Jara

Te duman wulicogo

Ji wulilen, i b'o wéreñé kelen ke barada kóno, k'a sèbekoré kusukusu k'a bon. I be soro ka temugutakutunin je 1 walima 2 ke barada kóno ka ji wéreñé 1 k'o kan. I b'a to dōonin, kasoro k'a seéne. O be te kunaya b'o a la. N'i b'a fe ka te fegenman min, i be segin ka ji wéreñé 1 ke tejaga kan, k'a wuli. I be nanaye k'a la, ka sukaro k'a la. Sukaro hake min be ke te la, o be tali ke te wuliko hake la. N'a ye sanga 2, walima 3 soro, i b'a suuru kosebe fo ka musi b'o te la. A be ke fo nanayekasa be wuli ka jo te nöfe. N'i y'a néné ni sukaro y'a labo, a be soro ka min.

Soromu dilancogo

Soromu dilanna ni so joli ye. Dogotorow ye sojoli ta ka nege baga k'a la k'o bila ka tile damado ke. U sorola ka fén dō sènsen o jolibagama in na k'o ja. O de welela soromu. A be lamara ampulu sanimanw kóno. N'a kera negetigebanabaato la, a be banakise ninama faga joli la. Nka a te se ka bana suguya in doweré bali k'a tigi miné i n 'a fó bolocifura ta cogoya.

Je nügupuguw

Ni baasi fosi té mögo min je na, o je be komi segondi saba o saba. Nëwolo ka fegen ni jeda to wolo ye siñé 3 fo 5. O de koson mögo köröli, o taamasiyen fölo be dón nëwolow nügupuguli fe. Denmisennin filelikeje ka di mögów ye, ka témé mögököröba ta kan. Nëwolo mana ja, a nöçö be boli. Birokónonaw fiñé jalanw ani néné, olu de be nëwolo npçson-npçson.

Kongo Demokaratiki jamana na, cew be ka don keretijeyla muso laadiriw nofè

Nbandaka, ce ganan caman ka furumuso numan niniyoro ye Egilizi ye. Nbandaka ye Ekuwateri mara duguba ye Kongo Demokaratiki jamana na. Nka ni ce daw y'u sagolamuso soro kaban, olu be Egilizi bila.

Berinari Ngoyi ye Kongo bankiba nemogoyaso baarakela ye; ale y'a jira ko musomannin ladamanenw ka ca Egilizi kono kosebe, k'o de koson u ko ka di cew ye. Ale y'a muso soro yen san 2007 la. Jedone Nguma fana ka fo la, Egilizi musomanninw be siran Ala ne; nafolokonataow fana t'u la i n'a fo musomannin tow. A y'a jira k'a ye muso furu yen, k'a b'o here la bi.

Antuwani Yango ye keretijekaramogo ye; o ka fo la, keretijefuru te ko kura ye. Nka ko fen min ye ko kura ye, o ye ce gananw be girin min na keretijenpogotigw nofè.

A ko ladamu sira min donnem be keretijemusomanninw koro Alako sira fe, o b'a to u be ke furumuso numanw ye; u be se u yere la.

Zanpiyeri llonga ye keretijekaramogo do ye; a ka fo la, furusiriyoro la ni muso k'a be ce fe, o y'a kelen ye k'a kandi a furuce ma; sabula o ye layidu talen ye ce ye mogow ni Ala ne.

O Alako min be don musomanninw kun na Egilizi la, o de be ce gananw da u la ka nebo u fe. Nka o ce ganan caman be yen, olu donkun ye keretijeyla la furumuso numanko ye. U mana u ta soro kaban, u be Egilizilataa dabila.

Musocamanfur be Ekuwateri mara fan bee fe; nk'o n'a ta bee, egilizilafurusiri b'a la ka sangaba soro. Ni furu tow here dan ye koso ye, dan te egilizilafuru sirilenw here la; i n'a fo Piyeri Yoyi y'a jira cogo min na. Ale ye hadamadenya

sabaticogo numan donbaa ye. A ko keretijemusow mununen be kosebe. Ko hali ni gelyea y'u n'u ce soro, u be limaniya k'a da Ala kan. Gelyea min mana furunjogon fila bolokeje, keretijekaramogow be wuli k'u jo o latemecogo numan na.

Walasa k'a don ni ce ganan daw ye dannayamogo sebew ye, keretijekaramogow benna a kan, ka jateminek kosebe. Mogo min mana a muso sugandi, keretijekaramogow be se ka waati jan ke sanni u ka furu siri u ni pogon ce.

Antuwani Bongila ye lakoliden ye kalansoba do la; ale y'a jira ko hali n'a kera san 3 kuntaala makononi ye ale ka furu sirili la, ale b'o kono. Sango ale ka se ka keretijemuso soro k'o furu doren; sabula ko furumuso numan ye daamu ye, dan te min na.

**Mohamedi Nboyoy Eyiyeckula
Dokala Yusufu Jara**

Afirikidisidi

mogo caman be k'a yerejini gelyea fe

Geleya be Afirikidisidi. Kurantige ka ca, wari barika nagasira, binkannikelaw cayara; mogo jigi fana te jamana nemogow kan tuguni. Nin geleya ninnu nesiranje fe, mogo caman be ka Afirikidisidi bila. Kabini siyawolomafanga binna ka kalataw ke san 1994, Nelson Mandela sigira jamana kunna farajew no na. O kelen faraje caman ye boli damine. An be waati min na, farafin daw, Endujamana denw ani metisi daw fana b'a la ka dugukolo yoro sumanen daw magen.

Mogo minnu b'a la ka Afirikidisidi bila, dounibaabaw b'ula. San 1994 ni 2000 furancew la, mogo 10.000 ye fiye k'a yelenso ye. Mogo taalen caya

koson, da kelen te se ka fo a la tuguni. Nka cakeda min nesinnen be siyaw ka kelenya ma Afirikidisidi n'o ye «SAIRR» ye, o ye faraje 800.000 kofo. Afirikidisidi faraje mumu be se miliyon 4 ma. San 1995 y'a soro hakke in taara kaban.

Udowtaara Angilejamana, Ositarali ani Papuwazi, n'o be wele Nuwezi zelandi. Nka mogo caman seginna o kofe, k'u ben'u sedon jamana soro yiriwali la. Azari Jamini ye nafoloko nedonbaa ye Afirikidisidi, ale ka fo la, mogo ka jamanabila in te siyako ye tuguni. Dipulomuba be mogo minnu bolo, ko wariba b'o fe, o caman b'a la ka jamana were magen. N'i ye Afirikidisidi gelyaw fesefese, i

b'a ye ko mogo caman be boli binkannikelaw mantooro ne. Wari barika nagasili ani saraw dogoya, o fana y'a daw taakun ye. A politikikogeleya ma se foli na.

Jamana politikitonbawdoye «ANC» ye, o nemogow selen te ka jamanabilaba in kun u fari la.

Jimi Manyi min ye o ton in warimarala ye, o y'a jira ko mogo be se ka saya dogo, nk'a te se ka bon lankolon dogo. A ko tije don mogo be ka bo; hali k'ale yere ka dogotora wan'e taara Kanada.

Nka Jimi Manji b'a fe ka bonlonkolon dogo. A ka fo la, dugubakonosigi taabolo ye mogo ka taakasegin ye.

**Sabini Sesu
Dokala Yusufu Jara**

Kameruni, sene minisiriso ka yuruguyurugu ye kabasene nagasi

Jekulu min nesinnen be sisemara ma Kameruni n'a be wele IPA WIKI, o y'a jira ko san 2008 desanburukalo kono, siseden 67.000 sara kongo fe. Sabula sanbaa ma soro u la. Kaba min ye sisendumuni fanba ye, o te soro ka di sisew ma. Dumuni min be dilan sisew ye, kemesarada la 70 ye kaba ye o kefaw na. Kaba soro baliya ye sisendumuni soro li geleya. Sisemarala caman banna sisedensan ma. U caman tun be kuw, namasaw, malo ani dumunifén werew di u ka sisew ma, sisendumuni numanno na. Mogo tun y'u kodon kaba la siye kelen, a songo geleya koson. Nka faantanwfölabanna ka segink'unesin kabasene ma kosebe. Sabula kaba be ne jamana fan befe fe. N'i ye Kameruni jama tila kulu 3 ye, kulu fila jama n'o ye miliyon 12 ye, olu ka balo fanba ye kaba ye.

Hadamadenya sabatilijskulu min be Kameruni kono a be wele «ASEDIKI», o y'a jira ko kabini sisemara sanga seginna ka wuli, kemesarada la 40 farala kabasena hake kan. San 2006 kono na, sisemaranin ye sisemarala caman sigi a sentege kono. O tun ye mogo caman siran sisemara ne. Kemesarada la sisemaranin kera sababu ye ka 80 be sisemara soro la; ka sefawari miliyari 3 nognna kunmaniya sisemaralaw ma. San 2008 mekalo kono na, sisemara y'a ka sanga koro nognna soro. Sabula ka bo mekalo la ka se desanburukalo ma, siseden hake min tun be soro tile kono, o sigiyeroman 10 na.

Sisemara bilalen sira numan kan, siseden caman tun be soro. Walasa siseden soro beré ka ben, geleya weré kana a kunbo n'o ye sisendumuni desse ye, goferenaman ye miliyon 221 don sisefan na, siseden torlaw bolo. A tun ye dabali fana tige kabasene ka don ba la, min b'a to sisew baloli ka nogo ya. Nka yuruguyurugumowu y'u sen da o waleya numan dala. Kasoro san 2008 kono na, toni 27.000 sera ka soro ka

farakaba soro hake kanjamana kono. Ako ma se ka taa ne. Jamana ka dunta hake ye kaba toni 60.000 ye. O ma se ka sene jamana fe cogo si la. Nafoloko minisiriso ka segesegeli do senfe kabasene soro nagasikun dönni na, o y'a jira ko geleya be baara kono. Goferenaman hamie san 2012 la, kaba soro jamana kono, o ka se toni 330.000 ma. O tene se ka sabati ni geleyaw ma furake. Kaba hake min be soro Kameruni, kemesarada la 90 sababu ye senekele misenninw ye. Angere songodun ka ca oluma. Kasoro kabinisan 2005 fo sisan, goferenaman ye wari hake min don angere la ka di senekelaw ma, o be miliyari 2 be. Hadamadenya sabatilijskulu ASEDIKI ka segesegeli y'a jira, k'o wari in fanba yuruguyurugura ka don da were fe min te angereko ye. Sene minisiriso baarakela caman ye kabasene

yiriwacogo poroze caman jira. U musakaw dira, nka a si kelen ma waleya. Berinari Njonga min ye hadamadenya sabatilijskulu in gocoumbo ye, oy'a jira ko miliyari 2 min labilala angereko kama, kemesarada la 62 taara faamaw yerew ka poroze lankolonw musakali dafé, kasoro u ma waleya. Hali Endujamana ye senekemansin minnu di goferenaman ma, a k'u di kabasenew ma, Berinari Njonga ka fola, minisiriw nigoferenaman baarakela werew y'olu tila nognna soro fe, u murutira fanga ma. Faamaw ye Berinari Njonga mine san 2008 desanburukalo tile 10, k'a don su kelen kaso la. O ni bi ce, kiiriso wulilen be k'a jo a nöfe, ko fo Befinari Njonga ka kiirk'a nangi; sabula k'a ye jama lamuruti. Ereniye Kaze Dokala Yusufu Jara

Tulon

Nin ja fila dilanbaga y'a dabo a kama ka fili 10 k'u la. A y'olu nini



datugulan seleke ds. 9 - Kiniinfecce kungisi. 10 - Ce dabara kiniin fe.

min be ce bonbon kan. 7 - Saki (saksi) jiru donydr. 8 - Sak!

bolokchin kelen. 4 - Ce kan numan fe. 5 - Ce kuna tulugulan. 6 - ja

1 - Tamaasyien min be ce kuna na. 2 - Ce unu numan fe. 3 - Tegé

jabi

Emaniyeli Adebayori ye san 2008 ntola sanunama soro

San o san, Afiriki ntolatanko nənabolitonba bə Afiriki ntolatannaw la ənana jansa ni ntola sanunama. Kalafili de bə kə ntolatannabaw ni nəgən cə. Afiriki Degelikaramo 53 olu de bə kala fili ka ənana latomo. Salon ta tun ye an ka Ferederiki Kanute ye, san 2008 ta dira Emaniyeli Seyi Adebayorima. Nin y'a siyə fələ ye Togojamana ntolatanna ka ninjansa in soro. Kalafili kəra ənana minnu ni nəgən cə olu tun ye Mohamedi Abu Tirika ye ka bə Eziputi, Mikayeli Esiyen ka bə Gana ani Adebayori ka bə Togo. Olu saba la, min ka kuru cayara ni bəe ta o kera Adebayoriye. A təna məen Adebayori bə san 25 soro. A bə ntolatan na bi Angilqjamana kan. Olu ka dugu min bə wele Mansesiteri, a b'o ntolatantən na. O ntolatantənba in bidonna ənana



Emaniyeli Seyi Adebayori

don. Angilejamana bidonna ənana filanan don Kirisiyano Oronalido kofə. Adebayori ye təw dan ni mun ye? San

2008 kənə, a kelen ye bi 30 don : ka 6 don a ka jamana fə, ka 24 don a ka ntolatantən fə. O bəlen kə yen, hadamadenya min b'a la ani kulubaara kanu, fərə min b'a bolo ntolatan na, teliya, dusu, kologeləya ani bidon, ka fara kənənandiya kan an'a ka fasokanu, olu de y'a to n'a ye ntola sanunama in soro. Afiriki ntolatanko nəməgəba, Isa Ayatu, ani Dijə ntolatanko nəməgəba Sepu Biləteri, olu jəra ka ənana in di a ma. Kabini kibaruya in dara məgəw tulo kan, Togo jamanadenw y'u ka nisəndiya jira. U ka faaba kənə Lome, jama bərə ka bələnkənənaw fa, mobili ni motow mankan tun bə fan bəe. Adebayori ye ənana bonya lasegin jamadenw ma olu minnu y'a jukəromadon, k'a demə sanga ni waati. A y'a bonya lasegin a ntolatantən fana mə an'awoloba.

Mahamadu Konata

Dusuntanya ni warikonata kə, danga fosi te Mali sennantolatan nəfə

Gana jamana na, Kani 2008 ntolatan labanw fadenkənə da goyara Mali la. O la, fo ntolatan nəməgəw k'a laje ka Mali sennantolatan sankorotabaara kuraw boloda ka bila Kani 2010 nə.

Kənə in ma kə sahaba ye. Jamanaden bəe ni tərə la. Kuma camanw yərə fərə məgəw fə, minnu bə ntolatan negebo a kanubaa caman na. Tijə don an binna fadenkənə kan Gana; nk'o tun ma kuma kərə də lawulili kun bə. Məgə caman tun ninenen b'o kuma kərə in kə. Dəw yərə tun ma deli ka kuma in mən fələ, hali n'u ye jamana in den ye.

A fərə k'an ka ntolatankənə min təgə dalen bə Mamadu Konate la, k'o tun bə wele fələ ko Buwiye təgəlantolatankənə. Buwiye tun ye kerecəndiinə məgə ye. Jamana nəməgəw y'o fitiriwaleyabaara min kə Buwiye la, k'o danga de b'a la ka taama Mali sennantolatan nəfə.

Jamanaden dəw ka jate la, o de koson Mali sennantolatan dusukasiko ka ca kosebə ka təmə a nisəndiyako kan.

Məgə camantigələndən a kan kəni Mamadu Konate təgə ma bəntolatankənə in na ka Buwiye təgə segin a ma, ko nəstaacogo te Mali sennantolatan na.

Ne kəni kelen ka miiri la, Mali sennantolatan sansərbəliya te ntolatankənə in təgəyəlemaniko ye, danga t'a nəfə, wa diinəməgəw fana dalajəko te. An k'an ka ntolatan sansərbəliya nənini kosebə. Dusu de t'an ka Samatasəgə ntolatannanw kənə ka fara warikonata kan. Samatasəgəw t'a la ka ntola tan fəso ye. N'o te, ntolatannan denmisənwyē kupu joli ta? Musomannin fana dun? Dusu bə ninnu de la..

An ka ntolatankənə sabatibaliyayorō ka ca koyi. Nka n'i ye dusuntanya ni nafolokonata bə a la, a to b'a den.

Isa Jalo ka bə Kədugu, Dugabugu komini na Kati

«AMAP» kəntigi
Soloman Darabo
-Mali kanw kumafionisəbenw
baarada kəntigi
Danze Samake

Kibaru

BP: 24 Teləfəni: 20-21-21-04
Kibaru Bugufiyə Bosola
Bamakə - Mali
Səbənnijsəkulu
Mahamadu Konata, Dəkala
Yusufu Jara
Labugunyərō: Kibaru gafedilan
baarada
Bəlen həkə 16 000